



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 2. Alcoranus.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

§. II.

Alcoranus.

Sæculum VII

A. C. 633.

Mahometes Doctrinam, quam suis Discipulis tradebat, sensim conscribi jubebat, eamque nomine communi *Al-coran*, id est, Lectionem, dicebat, seu ut nos loqui solemus, Scripturam. Hanc mentiebatur sibi de Cælo afferri ab Angelo Gabriele, quocum sibi frequentissima colloquia esse fingebat. Imo morbo comitiali laborasse, & ut uxorem, quam tanta calamitas affligebat, consolaretur, dixisse fertur, quod ipsa paroxysmum putabat, Extasin esse, qua durante sibi Angelus loqueretur. Alcorani sermones argumentis, ordine, & nexu carent; at non sine consilio scripti sunt. Illo enim collineant, ut confictæ Missioni Mahometis Auctoritatem concilient, dum falsus hic Propheta audacia incredibili affirmat, se ex Dei mandato loqui, atque refert exempla Moysis, ceterorum Prophetarum & ipsius Jesu Christi, qui semper homines sibi adversantes experti essent. Narrat plurimas Historias veteris novique Testamenti, sed ferme omnes corruptas, & immixtis fabulis. Non nunquam crassam ignorantiam suam prodit, præsertim in illo loco, ubi Mariam Moysis Sororem cum Maria Virgine confundit. Affert interdum

A 4

dum

Sæculum VII dum manifeste inter se contraria, & jam
 A. C. 633. dicta ad nauseam usque repetit. Nihil-
 ominus interponit præcepta moralia,
 præscribit Religionis Cæremonias, aut
 quasdam Leges in vitæ commercio ob-
 servandas. Sed ubique rerum ordo de-
 sideratur. Interdum suam ipse Apolo-
 giam textit, & ad ea, quæ sibi objicie-
 bantur, respondere conatur. Jam adni-
 titur erigere animos suorum, quos illata
 ab hostibus clades, aut alius tristis casus
 afflixerat. Ubique autem locos com-
 munes Oratorum de Majestate Dei, de
 ejusdem Potentia, Bonitate, de ingrata
 hominum mente, de pœnis & præmiis
 alterius vitæ adhibet, & quantum pot-
 est stilo tumentis, & figurato sublimem
 eloquentiam Sanctorum Prophetarum
 imitari affectat.

§. III.

Arabes.

Nec Mahometis Doctrina, nec Ritus,
 quos observandos proponebat, ple-
 risque Arabum ignoti erant; nam, quam-
 vis magnus esset inter ipsos Idololatra-
 rum numerus, multi tamen etiam Ju-
 dæi & Christiani in Arabia versabantur.
 Christiani ut plurimum in extremis A-
 rabiæ partibus, quæ Syriam & Persiam
 spectant, habitabant; nihilominus in
 medio, & Provincia *Nageranensi* Eccle-
 sia